

N
12

DISSERTATIO PHYSIOLOGICO
MEDICA INAUGURALIS,
DE
PARAPHRENITIDE.

QUAM,
ANNUENTE DEO TER OPTIMO MAXIMO,
Ex Auctoritate Magnifici Rectoris,
D. JOAN. CONRADI RUCKER,
J. U. D. ET JURIS CIVILIS IN ACAD. LUGD. BAT.
PROFESSORIS ORDINARIJ.

NEC NON
Amplissimi SENATUS ACADEMICI Consensu,
& Nobilissimae FACULTATIS MEDICAE Decreto,
PRO GRADU DOCTORATUS,

Summisque in MEDICINA Honoribus &
Privilegiis ritè ac legitime consequendis,
Eruditorum Examini submittit
HUGO VANDER HEIM, Roterod. Batavus.
Ad diem 17. Octobris 1741. hora locoque solitæ.



THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

V I R I S

NOBILISSIMIS, AMPLISSIMIS,
CONSULTISSIMIS,

D. HENRICO VANDER HEIM,
URBIS SCHIEDAMENSIS SENATORI, ET
SCABINO, PARENTI SUO OMNI AMORIS
ET HONORIS CULTU ÆTATEM PROSE-
QUENDO,

D. PETRO DEN BEER,
J. Cto, URBIS SCHIEDAMENSIS SENATORI
ET SCABINO, AVUNCULO SUO, EA, QUA
DECET OBSERVANTIA, SUSPICIENDO,

D. JOHANNO VANDER HEIM,
J. Cto, DOMINO DE GOUDSWAART, UR-
BIS SCHIEDAMENSIS CONSULUM PRÆSI-
DI GRAVISSIMO, ET SENATORI, VLAAR-
DINGÆ ET TERRITORII VLAARDINGEN-
SIS SUMMO PRÆTORI, DELFLANDIÆ,
QUOD VULGO DICUNT, HOOFT INGE-
LAND, COLLEGII, QUOD VIIS, AQUIS ET
AGGERIBUS SCHIELANDIÆ CURANDIS
PRÆEST, ASSESSORI,

ET

D. HENRICO BOSSCHAERT,

URBIS SCHIEDAMENSIS SENATORI, ET

CUM MAXIME CONSULI, AGNATIS SUIS,

PIE ET AMANTER COLENDIS,

*Hæc prima & exigua ingenii sui
documenta, devinctissimo & gra-
tissimo animo tradere voluit,*

HUGO VANDER HEIM

AUCTOR.



DISSERTATIO PHYSIOLOGICO MEDICA

INAUGURALIS

DE

PARAPHRENITIDE.

§. I.

Nullo fere ex fonte uberiori, vitia, magis exitiosa, & graviora, in totam corporis humani compagem, ocyus latiusque dimanant, ac ex æstuante Phlegmonis affectu, quem infaustissimi ejus eventus in morbos innumeros & acutissimos, satis abunde declarant.

A 3

§. II.

§. II.

Structura hominis, dedito physiologorum studio lustrata, mirabili vasorum contextu, in cujuscunque minimæ partis spectabili puncto, præstat. Majores ubique canales, minoribus cincti, cum his fluida in orbem vehunt continuum, quæ diverso sæpe impetu auctiori, in illorum angustias concitantur, & mora, quacunque ratione concepta, perennante interim humorum accursu, mox universam effectuum inflammatoriorum feriem conficiunt.

§. III.

Hujus vero morbi momentum & discrimen, sede ejus, in loco præcellentiori, vel minus præstanti, fixa, metiendum esse, doctrina Medicinæ practicæ præcipit, nec cui dubium esse potest, qui nobilitatem functionum offensus, & damna, inde in totam animalis œconomiam proficiscentia, rite intuetur.

§. IV.

Hisce ex partibus principibus, quæ inflammationis ardore accensæ, per quam insigne vitæ periculum intentant, Diaphragma definitum, quo-
usque

usque membrana pleuræ investitur, vel & ipsum septum medium, ex jure Doctoratus honores capeffituri, spectandum statui.

§. V.

Funestissima hæc conditio regionis (§. IV.) insignitæ, Paraphrenitidis nomine affecta, (a) (b) (c) non ex appellationis hujus origine, ducta ex *παρα* ex, & *φρενιτις* phrenitis, perspicue elucescit. Hæc enim neutiquam ex principio cerebelli, morbosæ materie appulsu oppressi, & ex intercepta hinc succo nervoso via in tractum Thoracis, & ejus confinia, conflatur. (d) Nec ipsa a vapore sanguinis, fervidioris, rarefacti, atque in sinibus cerebri ejusque vasis detenti, neque a cruore ipso, vehementer calente, Encephalo afferri noscitur. (e) Hac & priori mente, Paraphrenitis, vel phrenesis vera, hanc nimirum mox paritura, vel unum tantum ex ejus symptomatibus, quæ longe in Corpus evagari possunt, verius appellari, congrueret. Ex quibus omnibus lucidissime apparet, an nomen inflammationi, ad quam animus hic advertitur, accom-

(a) Prosp. Alpin. de præf. Vit. & Mort. Lib. II. Cap. III.

(b) Wedel. path. dogm. Med. Sect. III. Cap. IX.

(c) Boerh. aph. Cap. de Paraphren.

(d) Willif. part. secund. path. Cap. X.

(e) Plater. Cap. III. de Ment. alienat.

commodatius Parapleuritis indi possit, quod scilicet non tam aliena significatione adductum, sed magis affine morbo pleuræ inflammatae, & fere ei accedere videtur. Verum æqua minus ratione designationi, in principio positæ, nota censoriæ severitatis adjungenda esset, si, constructa voce Paraphrenitis ex *παρα*, & *φρενες*, Diaphragma indicans Hippocrati & Veteribus medicis, tum proVectius malum, quod cerebrum in consensum trahens, delirium homini infert, perspiciamus; tum sententiam philosophorum quorundam rimemur, qui de officina animæ, in pectore (f) & Diaphragmate, ut corporis medio, locata, argute somniarunt. (g).

§. VI.

Quam vehementer hæc Phlegmonum species, præ ceteris, quodcunque invaserint viscus, fundamenta actionum naturalium, vitalium, & animalium, evertat, ex partium afflictarum, & imprimis, proserpente statim vitio, ex Diaphragmatis structura, situ, nexu & muniis, quæ sustinent, curata cogitatione præcipi potest. Quam ob rem horum omnium solers perlustratio morbo peragendo lucem affundet quam maximam.

(f) Plato Timæus pag. 70.

(g) Arist. de part. Animal. & earum Caus. Lib. III. Cap. X.

§. VII.

§. VII.

Diaphragma (h) (i) potissimum respirationis organum, sepimentum æmulatur musculosum, quo fines abdominis, non omnes, sed magni saltem, a thorace terminantur. Hoc eximo naturæ artificio conformatum cernimus, ad viscera, ejus veluti subdita tecto, ambienda & munienda. Hisce consentanea affabre forma & amplitudo cavi ejus, gibbi Thoracem versus, & concavi, abdomen spectantis, latioris & expansi magis a parte dextra, quam sinistra, ad Hepar tuto & commode recondendum, quod dextrum adimplet hypochondrium, porrectumque, in sinistrum, mole continuo attenuatur, donec in lunatum exeat marginem. Primum hujus ligamentum, dictum vulgo latum, (k) quo septo transverso annectitur, versus dextrum cartilaginis mucronatæ latus contendit, & alterum a sinistro ipso Diaphragmate jecur colligat, cui etiam, ope membranæ ejus externæ, a posteriori jungitur. Fibrosæ (l) præterea productiones, a peritonæo, quo septum succingit, Gibbo Lienis immerguntur, cui idcirco, ob ejus proximitatem & nexum cum illo, commercium arctius, quam cum aliis, intercedit. Hinc
ob

(h) Willis. de Cereb. Anat. Cap. XXVIII.

(i) Wedel. Phys. reform. Cap. XI.

(k) Vesal. de Corp. hum. fabr. Lib. II. Tab. VII.

(l) Idem Auct. loc. cit.

ob demiffiorem fplenis fedem , & imaginem , hic Diaphragma , non tanta latitudine , quam ab Hepatis grandioris fitu , eminet , fed quartam tantum , vel quintam coftarum attingit , & breviori initio orditur.

§. VIII.

In elatiori & interna Diaphragmatis regione duo comparent foramina , quorum unum a latere finifiro (m) fpinae , tranfitum ftomacho in abdomen permittens , & non nerveae ejus fubftantiae , (n) nec dum pronatae , fed carnea in-
finuatum , figuram exprimit ovatam , fiffurae confimilem , hiantem in medio , fed in utrifque extremitatibus lateralibus compreffam. Alia dein apertura in tendine data , ex parte altera , parum a fpina diffidens , triangularis , (o) & magnitudine fane confpicua , prodit , & praecclaro ufui , recipiendae nimirum venae cavae , & transducendae in cavum thoracis , fervit.

(m) Id. auct. loc. cit.

(n) Albinus hift. Mufc. Lib. III. p. 296.

(o) Galen. de loc. affec. Lib. V. Cap. IV.

§. IX.

Hiatus stomachi, nec venæ cavæ, Diaphragma perfodendo, sed more naturæ amicali, evadunt, cujus examine curatori, septi ortum penitus contemplari oportet. Proventum hoc ab antica lumborum parte, ad infimam thoracis oram adscendit. Tota ejus compago octo exstruitur Capitibus, (p) quorum quatuor dexteram, & paria numero, sinistram tenent. Hæc amplitudine, copia, tenuitate carnea & tendinea, atque longitudine quam maxime dissident; quippe duo media, præ ceteris, in longum magis ducta, conspiciuntur. Inferior pars vertebræ corporis lumborum tertiæ, ab osse sacro, promittit primum, tendine magno & amplo constructum, ex cujus terminis lateralibus sensim caro enascitur. Sinistrum quoque primum, initiis inchoans tendineis multis, ab anteriori corporum, sub quarta a sacro, progressu suo, ilico carneam suam nanciscitur indolem, cui adhuc aliud, ab infra deveniens, necitur. Originem capiti secundo utrimque corpus quartæ vertebræ, ab osse sacro, impertitur, cujus uti & tertii tendo, a margine corporis quartæ superiori, & quarti a processu transverso vertebræ quartæ ab osse sacro profectus, in unam carnem vertuntur. Hæc præ-

(p) Albin. hist. musc. loc. cit.

præfinito loco, circa stomachi aperturam, ad ejus margines diverso capitum occurſu, illos circumſcribentium, ſe decuſſat, & canali illi pervia relinquitur, quem ſtatim elapſurum, membrana peritonæi complexa, continuata deinde tunica externa induit. Apertura vero, aditum venæ cavæ patefaciens, circumtextitur, & a tendine vicino, & aponeuroſi quadam, cum portione carnea, contrarias in partes vergentibus, & ſibi discriminatim innexis.

§. X.

Multis præterea intervallis eſt ſeptum diſcretum, cum capita ejus, præprimis media, adſcenſu diu ſatis, antequam carne intumeſcente confluunt, a ſe invicem remota incedant. Conjunctione illorum poſtea inſita ad inſtar lunæ, ex ſpatio medio, non expleto, in conſpectum venit Aorta, inſtrantibus ſimul illud ductus Thoracici radicibus. Ex interſtitiis vero Capitum primorum & ſecundorum, varium in modum exitus nervis intercoſtalibus aperitur, & in latere dextro venæ conjugis experti, quæ ſemper in hoc obvenit. Coeuntibus ſecundis corporibus ſimiliter cum tertiis, & his cum extremis, latiori ſemper circuitu, pro diametri expansione, infra horum marginem tendineum, vel non nunquam carneum, pſoarum egreſſus incidit.

§. XI.

§. XI.

Conhatis ita (§. IX. & X.) Capitibus Diaphragmatis, hoc illico in latitudinem se explicat, & in fornicem Thoracis assurgit, inflectens se ad utramque partem, & ad anteriora, secundum internam Thoracis circumferentiam. Ad hanc incurvo constanti ductu defertur, donec ab imo ejus definiatur. Sed dum mox ad Thoracis pertigit ambitum, tot divisionibus in ambo secedit latera, una medium occupante, quæ ad sterni apicem, ab anteriori ejus aspectu, pervenit, & alteræ utrimque demissæ, & latissimæ costis, undecimis, decimis, nonis, octavis, & septimis interne, finibus carnosiss, affiguntur.

§. XII.

Limites Diaphragmatis, quod Thoracis & abdominis cavitatem intersepit, in totum prope a membraneo ejus circulo constituuntur, (q) qui tamen non exactam præbet figuram orbicularem, sed magis oblongam, quæ a facie anteriori in retusum vergens acumen, inde lunato ductu, in posteriora distenditur. Hicce tendo amplius ergo, expansioni non admodum dispar triangulu-

(q) Albin. hist. musc. Lib. III. de diaphr.

angulari , secundum delineationem Couperianam , fibris suis , ex carnearum genere eductis , morem etiam harum , in decursu suo , affectat. Hinc compage ejus mire perfecta , fibræ , ad utraque intentæ latera , maxime a recta aberrant via , quæ contra ab intermediis , pro directionis norma , exactius tenetur ; licet quam plurimæ ab his , insigni naturæ varietate abscedant & stratis nerveis , cum aponeurosibus , ab utroque latere superiori tendinis , & dextro inferiori decurrentibus , decussando immisceantur. Quod vero nervei hujus corporis crassitiem attinet ; hæc pertenuis existit , uti & Caro universi septi , quæ in tendinem pedetentim reducitur , extra postremam , secundum inferiorem utriusque lateris marginem protractam , solumque naturam suam non exeuntem. Hæc ab ultimo capite specie pergit recurva , ad undecimam usque costam. Prima caro cum inscenderit , ad postici lunati tendinis formam se convertit , quam quousque utrumque illius crus posterius porrigitur , ab hac ipsa oppletam deprehendimus. Altera ex ipso centro nerveo generata caro , ab universo ejus ambitu anteriori , ad posteriores usque apices panditur , & undicunque ad thoracis curvationem directæ , postmodum deinde in hujus infimam partem declinat. Obtigit nonnunquam (r) , ex tendinoso centro fibras radiorum instar emanasse , & fuisse

(r) Vesal. de fabr. c. h. Lib. II. Cap. XXXV.

iis, quibus septum transversum adnascitur lateribus, inferas.

§. XIII.

Interna jam septi fabrica pro virium instituti-
que ratione & exigentia exhibita, usus quoque
externæ ejus poscit considerationem. Duplicem
hoc adsciscit membranam, veteribus jam perspe-
ctam, quarum prima inferior abdomini & ejus
incolis visceribus communis, peritonæum, quo
integitur totum Diaphragma, nisi qua hepar, pro-
pe venam cavam descendentem, nude tangit. A
superiori vero, e regione cordis & pulmonum
qui imis partibus suis illi insident (s), pleura a
costis excurrente, est obductum, præterquam eo
in loco, quo, tanquam fulcimine, pericardium
nititur.

§. XIV.

Vasa phrenica, arteriosa & venosa, ex gemina
potissimum radice nascuntur, arteriæ nempe a
Cæliaca, quæ antequam se bipartiatur, duos
spargit ramos, ad utraque septi latera dextrum
& sinistrum, qui præcipue per ejus inferiora se
diffeminant. Deinde etiam ex subclavia, ad am-
bi-

(s) Eust. tab. IX. & XV. fig. I. II. III. IV.

bitum ejus superiorem, & interdum quidam ex mammaria pertinent, quibus adhuc arteriolæ ex intervallis costarum prodeuntes, sociantur. Venæ vero a cava descendente, ex Diaphragmate egressura, mox undique per hoc copiosissime disperguntur, & conjunctim cum illis, quæ a subclavia & azyga petuntur, sanguinem in fontes suos vicinos revehunt.

§. XV.

Ministri motus sensusque nervi, quibus septum maxime affluit, primum a binis nascuntur Diaphragmaticis (t), qui ex mediis cervicalibus oriundi, & recta fere ad latera mediastini quorundam deducti, per thoracem sine ramorum progerminatione, propemodum toti in Diaphragma ramosissime demerguntur. Præter hos a nervo inter costali, origini suæ haud congruente nuncupato, cum illa ex ipso cerebro referatur, quidam huc ablegantur furculi, uti & a pari vago seu sexto veterum, qui omnes mira implicatione Diaphragma perreptant.

§. XVI.

Jam ex constructione Diaphragmatis, actio ejus

(t) Eust. tab. XVIII.

jus , apte riteque pensanda , certe quam plurima complectitur officia , quibus corporis functionibus suscipiendis & relevandis succurrit. Si cuncta appposito persequi ordine animus sit ; respirationis vim , partibus adhibendam finitimis , nos exquirere oportet. Exsurgente igitur Thorace obliquo ductu in priora , illapsoque in pulmones aëre , ambitus Diaphragmatis , contractionem ob-euntis , pro musculorum agentium genio , brevior nec planior fere redditur , ob viscerum , illi succumbentium formam , qua fibræ ejus musculares , quasi repressæ , indolem suam , ut Lineæ Geometricæ , assequi nequeunt. Arctata igitur abdominis cavitate & pectoris e contraria ratione ad-aucta , pulmones , aëreo fluido turgidi , persi-stunt. Constrictione vero Diaphragmatis & pe-ritonæi , illi adhærentis , congruente abdominalibus , hi antrorsum protruduntur , ut vivis manu comprehendere licet. Omnibus ita constitutis , pressionem viscerum deorsum & ventriculi simul antrorsum evadere , lucide apparet. Iisdem por-ro effectis , mutuo semper consensu conspiranti-bus , hiatus stomachi (§. IX.) descriptus simul coangustetur , est necesse. Quod si nunc Diaphra-gma a musculis abdominalibus , in expiratione actuosus , rursus in sublime fertur , ab arctiori thorace pulmones compressi aërem sustentum re-jiciunt. Verum retenta anima , contractisque septo & musculis abdominis , illud , his auxilian-tibus , ad eliminanda ventris recrementa & alia corporis fluida eximie confert. Quanta enim

C

pol-

polleat in hæc vi , varia experimenta , cum animalibus vertriculo fauciatis, confecta, evicerunt, cum alternis ejus Jctibus ingesta ad aliquot pedes projectata fuerint.

§. XVII.

Tanta tamque varia emolumenta (XVI.) quæ ex Diaphragmatis integritate in totum corpus redundant , subito naturæ eripiuntur , si illud violentia quacunque vel externa vel interna (II.) multiplici , nec verbis enumeranda , phlegmone infestetur. Hinc morbi hujus præsentia ex symptomatum multorum atrocitate summa , in dies exardescente , cito erumpit , licet illa in principio , cum ob ejus insolitum proventum , tum conjectationem dubiam subortæ forsan pleuritidis vel inflammationis vicini visceris , non raro in occulto lateat.

§. XVIII.

Diagnosi autem Paraphrenitidis certa medicus instruitur , si primum febris acutæ teneat doctrinam , quæ in hac , præ aliis vehementia sua sine ullo levamine adurget (u) , (w) , (x). Irritamen-

(u) Schenk. obf. Med. Lib. II. de Diaphr.

(w) Boerh. Aph. Cap. de Paraph.

(x) Galen. de loc. affect. Lib. V. Cap. IV.

menta enim velocioris contractionis cordis, in ejus resident vicinia, & ex eo humores in motum quam rapidissimum citant. Omnes igitur febris inflammatoriæ & acutissimæ effectus, fluidorum agitatio, circuitus turbatio, stagnantium attritus, vasculorum perditio, calor, tumor, splendor, dolor, suppuratio, & alii maxima pernecitate intenduntur. Quin immo si potentiam canalium minimorum, cordi renitentem, ex illorum angustis, numero, movendorum massa, & elasticitate, cum animo reputemus; cuncta certe, si ulibi, hic potissimum ægrotantem in præsentissimum vocant vitæ discrimen. Inexplicabilis enim subtilitas & firmitudo arteriolarum & venularum, quæ quam diffusissimæ tendinosæ membraneisque partibus interseruntur, visum non judicium Anatomici fugiunt.

§. XIX.

Verum illa paraphrenitidis præsentis argumenta (XVIII.) quæ etiam Pleuritidem & Phrenesin innuunt, nonnunquam fallaciam indicaturo portant. Quare illius multo explicatiorem & exploratiorem rationem ex ægro, cruciatus inflammati loci intolerantissimo, capiendam esse liquet. Quod si quid monstri pleura alit, ægrotantes, in hoc vel illud latus flexi, hujus sinistri aut dextri incubitu, levi lenimine fruuntur. Phrenitici tali corporis jactatione nullo molestiæ sensu anguntur,

nec admodum de hoc Paraphrenitide impliciti conqueruntur. Urentis enim illorum doloris fedes media, ex distincta Diaphragmatis circumscriptione (§. VI. & IX.) & gravitas, ex fabrica ejus nervea & tendinosa (§. XII. & XV.) qua præcipue ad obtinendam motus alacritatem, constantiam & sui ipsius firmitatem gaudet, clare discernuntur.

§. XX.

In insolentium autem symptomatum numero, quæ paraphrenitidem stipant, merito ducitur spasmus cynicus, (y) quo correpti genarum muscoli ita rectum distrahunt, ut æger inopinam ridentis personam ludere videatur. Risus hic lugubris Sardonii nomine a practicis insignitur, & nonnulli illum a consuetudine turpissima Sardorum, senes suos Saturno ridentes libandi, vel parentes grandævos, fustibus cæsos, cum horum lætitia præcipientes dandi in fossas; alii ab esu Opiastri Plinii, herbæ cujusdam, in Sardinia crescentis, & hinc Sardonia Dioscoridi dictæ, quæ ex ranunculis est, tractum esse opinantur. Hunc vero, testante jam Hippocrate de Tychone (z), ex Diaphragmate, catapulta faucio, inductum, non ambigue autumamus. Motus etiam hujus deturbati mentionem

(y) Sennert. Cap. de tum. Diaphr.

(z) Hipp. de Morb. Vulg. Lib. V. Sect. VII.

a Plinio (α) aliisque illatam offendimus, qui principium ridens præcordiis ingenitum existimans, idcirco hæc ictu trajecta in præliis gladiatorumque spectaculis mortem cum risu attulisse, narrat. Nec quis forsan inficias ibit, quod ille Cachinnus (β), in causa convulforum faciei musculorum a læsis vel lancinatis nervis, insit. Quam valide vero hi (§ XV.) in Paraphrenitide continuis punctationibus laceffantur & quam facile ob cognationem tam magnam nervi Diaphragmatici, cum vicinis, ut risus effectricem (γ); illos in consensionem rapiant, qui ad maxillas contendunt, non difficili conjectura perspicitur. Quapropter luctuosus hicce risus Sardonius hilari ægri vultu ejus calamitatem prænuncians, falsum & triste gaudium Ciceroni (δ), (ϵ), Gallo delaturo, & aliis in adagium cessit, rei maxime cognatum.

§. XXI.

Profecto hucusque Medico in examine Paraphrenitici, illi porro doloris ejus dirissimi incrementum, sub adventu aëris in pulmones, per-

icru-

(α) Plin. Lib. XI. Cap. XXXVII.

(β) Hoffm. Sect. I. Cap. IV. De Gedealog. Morbor. ex turbato &c.

(γ) Willif. de Cerb. Anat. Cao. YXVIII.

(δ) Cicer. Lib. VII. Epist. XXV. ad famil..

(ϵ) Plutarch. in Grach. pag. 840.

scrutandum obvenit. Constitit superius (§. XVI.), qui actu inspirationis, septi contractionis ope & abdominalium viscerum compressione Thorax in majorem semper amplitudinem excedat. Quapropter, cum in actione Diaphragmatis morbosa, fibræ ejus tendineæ & vasa nervosa, materie inflammatoria onerata, non exiguam tensionem, distractionem, impactionem in subjecta, & impetuosiores humorum appulsionem, non ferendam sustineant, his omnium dolores, utut acerbos aggravari, oportet. Sensilissimæ enim hæc partes omnes, obstructorum vasculorum intumescencia jam solito fortius expansæ, licet sensibus non patefcat, stimulatione illa iterata potentiori, ex imminente ruptionis periculo in idem sed propius adducuntur.

§. XXII.

Eodem ex capite affectuum noscuntur exacerbationes, quæ intercidunt; primum in oscitatione, tanquam diu protensa Empneumatosi; dein in coactione abdominis, necessitate alvi solvendæ & mittendi lotii instante; in omni porro nimia ventris concussione, usu ptarmicorum & tussim excitantium oborta; in ipsa denique fortiori narium emunctione, singultu, suspiratu alto, screatu immoderatiore, ructu & lacrymatione profusiori. Omnia hæc vitia aliaque plura vel celeritatem respirationis modicam, cujus imperium late

te se in corpus diffundit, sufflaminant, vel citiori pravoque impulsu evocant. Jam infirmum Diaphragma inflatum pulmonis diuturnum organorumque pneumaticorum ampliationem magnopere quidem perferre gravatur, sed magis horum inquietationem, tot corporis tremoribus terroribusque percitam; qui præcipue in fæcum alvinarum dejectionibus, paulo difficilioribus, paraphreniticorum peritonæo incutiuntur.

§. XXIII.

Quas ob causas ægri, dolorum inflammatorum auxilia anxie quæritantes, in inspiratione humeros jugulaque cum scapularum & sterni varia commotione attollunt; distractis simul narium alis, ad aërem largius captandum. Hæc sublimis, & merito phænomena audiens respiratio, non magnam certe, ob tam conspicuam Thoracis elevationem, aëris admissi copia, æquiparat; sed pauca saltem, e pulmonibus reversa, deputatur. Diaphragma enim & abdomen, dilatationi suæ maxime obluëctantia, immota torpidaque consistunt. Ergo tardato ex parte sanguinis itinere per pulmones, hisque illo infarctis, & ob Thoracis angustiam non satis evolvendam, & virium labefactionem, cum suffocationis metu, necessitas crebrioris & exiguæ
spi-

spirationis (ζ) premit, quo parvitati velocitate quadantenus consulatur. Contra pleuriticorum incommodis in aëris attractione, Diaphragma integræ suæ flexilitatis medio summo opere medetur; vacante interim a motus sui officio Thorace. Phrenitide vero detenti, sano & satis dilatabili pectore toto, copiosum ducere spiritum possunt, atque ex magnis intervallis; nisi forsan unum ex instrumentis respiratoriis infectum labe quadam occulta fuerit. Quare hi quoque multa vociferatione & sermonis gravitate, optime valentium tono consona, præprimis a prioribus absunt, qui non præter acutum & extenuatum reddere sonum queunt.

§. XXIV.

Quemadmodum porro ad omnes justo incitiores & violentas musculorum contractiones, contiguæ etiam partes mobiles maxime torquentur; ita etiam revulso Diaphragmate a stimulo inflammatorio, nervis impresso, simili contensione peritonæum in ventrem acriter impellitur (*). Offensio hic nervoso generi ita accidit, ne ejus functiones plane opprimantur, sed graviter hoc vellendo, facultates magis ex languore

(ζ) Galen. de loc. affect. lib. V. Cap. IV.

(*) Gal. loc. cit.

re refuscitentur, & molesta ipsi & perniciofa dispellant. Quare punctoria ejus læsione even-
ta, non abolitione integra, spiritus animales
crebriori pleniorique rivo in Diaphragma effun-
duntur, quibus redundantibus, ipsius vis mo-
trix in turbulenta oscillationes adigitur. Atque
hæ eo acutiores jure putandæ erunt, quo majori
robore tendo, a quo protrahuntur, valet. Hinc
nobis auctor Coacarum prænotionum saltus & re-
vulsiones Hypochondriorum versus interiora,
secundum directam peritonæi constrictionem, in
paraphrenitide citas, exponit. Quamvis vero in
phrenitide septum transversum ferocibus etiam
ictibus interdum insurgat; attamen hi diebus
tantum posterioribus ægrotis suborti spectantur,
cum paraphreniticis, in principio incidere sole-
ant. (9)

§. XXV.

Ob arctissimum stomachi vinculum cum Dia-
phragmate (§. VII. & IX.) in proclivi est, men-
te futura prospicere mala, si ægro vel nimia ci-
borum ingurgitatione intumuerit ventriculus, vel
quacunque ingrati sollicitatione nausea aut eme-
sis inducatur. A perverso enim motus peristal-
tici

(9) Prosp. Alp. de Præf. Vet. & Mort. Lib. II. Cap. III.

tici nixu in superiora, septum eadem versus trepide raptum, subitaneo vehementique spasmō revellitur. Totum ergo corpus, tantis insultuum turbis conquassatum, acrius & acerbius quoque Diaphragma afflicta, omnibus & minimis iniquitatibus subeundis impar. Contra præcordiorum tormenta, in paraphrenitide ventriculo alata, illi cardialgiam & vomitum creare oportere, tota rerum facies, hucusque attenta, annuit. Nec minus vehemens & pertinax hujus mali vis vitæ & nutritionis organa percellit, cum cordis regimen in omnes animalis functiones perdispensanda & amandanda æquabiliter fluida, a nervorum vasorumque insignium (§. VIII. & X.) exagitatorum singulari conspiratione semper interpelletur, & tenero ductui Chylifero, depravata vel inquietata Diaphragmatis actione, virtus libere provehendi alimenta detrahatur. Chyli ergo & sanguinis perficiendi opere ad perniciem luculente instructo, vigorem corporis paraphrenitici deflorescere & præ macie & torpore nisi alio infeliciori fato extinguere liquido patescit. Cætera prætereo exitia, in quorum societatem vena caua, aorta, aliaque humores moderantia vasa, cum Diaphragmate communi vinculo juncta, a frequentibus ejus convulsivis affectibus, perducuntur.

§. XXVI.

Quod si post studiosam symptomatum paraphrenitidis investigationem hæc in summam conferantur; insistentis delirii præfagia signaque edunt haud obscura, quæ ex pessimis systematis nervosi & cerebri afflictionibus emergunt. Dum enim continua nervorum correptione & vellicatione hi in immanes spasticas adducuntur stricture, tranquillum spirituum animalium flumen & aliorum humorum necessario interturbatur, & actis his intensius in hos vel illos corporis recessus, vel etiam in quodam forte remorantibus & congestis, uni vires exhauriendo alteri ad insaniam usque accumulatur. Hæc certa delirii causa, multis in morbis comperta & patefacta, ut in dentitione fenum gravi (1) deglutitione aciculæ (2) inflammatione uteri ventriculi & renum, & in aliis quam plurimis, potissimum tanta sævitia incessit paraphreniticos, ut hi nonnunquam secundum practitorum observata, violentissima mania seu furore tentati fuerint. Non ex Diathesi stygia, excitataque ex efferocia nimia

(1) Fried. Hoff. Path. gener. pars. II. Cap. XI. paragr. V.

(2) Miscel. Natur. Curios. Dec. I. Anot. III. Obs. 86.

mia spirituum animalium, in mentem irruentium, gravissimum hoc exarsit pathema. Nec illud melancholiam præcedentem, quam sæpe mania ferocissima excipit, in paraphrenitide insequi videtur. Phrenesis etiam sæpe processit in furores, ex magna succi nervosi accumulatione & aggravatione in Cerebro, ut illorum scaturigine, contrario ideo melancholiæ ratione fuscitatos. Eodem ex fonte derivari maniam, in paraphreniticos sævo impetu prorupentem, non obscure ex superioribus innotescit. Verum hic inortum metastasi delirium, vel si mavis paraphrosyne, indicium symptomatice phrenitidis vel hecticæ, & ita cerebri, inflammationem nacti, procul dubio præfert. Ceterum hæc mentis alienatio his, veluti derepente facta, (A) & illa ex phrenesi laborantibus sensim concita advertitur.

§. XXVII.

Tale generatim sese ostendit morbi nostri ingenium, ut, quæ ex eo fluunt symptomata, cuncta veluti præcocia ægro mortem accerseant. Provinciam enim, Diaphragmati traditam, ab illo strenue perpetuandam, & nulla, sine vitæ in-

(A) Prosp. Alp. loc. add.

interitu, intercipiendam esse mora, necesse cuique apparet, respirationis munus, & fructus ex eo & aliis naturalibus (§. XVI.) in Corpus manantes, expendenti. Quam ob causam, nisi in principio gravitas hujus valetudinis apto remedium usu, vel naturæ ope vincatur, aut hæc in alios degeneraverit morbos, aut hisce morte ægri prærepti fuerint, venularum constrictionem & compressionem a loci tumore, diutinam humorum stasim, sanorumque in illos irruptionem, eorum putrefactionem & acrimoniam, indeque profectam vasculorum exesione, inflammatio hæc necessario in gangrænam convertitur. Hinc omnibus desævientibus paulo symptomatibus, quæ tamen mox in pejus recidunt, saniosa materies, depluens in abdomen, viscera depascit, & corrivata, putredinem subit fætidiorum, qua ventre tumefacto, & corpore miserabiliter absumpto hoc deterrima tandem morte exanimatur.

§. XXVIII.

Ejusdem exitus prognosin de apostemate septi ferendam esse, claret, si hoc in abdominis Cavitatem perrumpatur. Quod discrimen, inter hoc & fluxum illum Gangraenosum (§. XXVII) interfuturum, spectat; colluvies puris suppurato Diaphragmate, ad maturitatem deducto, majori

copia minorique, quam prior, acredine fusa, in acitem tumidiorem & deteriorem statim increfcet. Quare & hic omnis recuperandæ salutis spes despondetur; quanta etiam hanc opera, circumfpectione & prudentia medicus annitatur.

§. XXIX.

Sed, cum symptomata paraphrenitidis mitigata, exspectationi ejus solutionis respondeant, levi tantum obstructione parta, & virtute prævalentis naturæ discussa, illi suppetias esse ferendas per lenem Diætam, aperientia mitissima & fomenta mollissima, partibus affectis admovenda, indicatur.

§. XXX.

Solennis quæ restat paraphrenitidis fanatio, ut gravissimæ inflammationi accommoda, ad humorum vasorumque vim retundendam, subita & copiosa venæ sectio, lato vulnere ministrata, vehementer pertinet. Sanguinis hauriendi in brachio dextro copia, ex ægri temperatura sicca vel humida, ætate, morbi incremento & vehementia pendenda erit. Dein quæ omne fere hic punctum

Etum ferunt enemata emollientia , & refrigerantia statim injici debent; epithemata, potentia quidem frigida, sed actu subcalida, simulque emollientia; linimenta blande oleosa: interne medicamenta laxantia , dolorem refrenantia , diluentia , resolventia , & refrigerantia largiter & calide potanda. Præterea victu tenui molli & antiphlogistico ægro utendum est, reliquæque res sex non naturales tempore ita gubernandæ , ut, cum morbi vis laxari coeperit, corpori deperditum robur tarde reddatur.



COROLLARIA.

I.

Hominis Crescendi terminus non certa ejus ætate sed vitæ exitu definitur.

II.

Harmonia mentis & corporis intima, ex utriusque natura, facultatibus quam maxime a se remota, hauriri debet.

III.

Quotquot foraminulis membranæ totius corporis distinguuntur, nullum, nec maximum, perforatum existit.

IV.

IV.

Thorax ultra Costarum fines adscendit.

V.

Diaphragma in sexu nobiliori magnitudine excedit Virile.

VI.

Homo, qui in muniis suis colendis totum diem institit pedibus, e somno resurgens, longior evadit.

VII.

Actio Diaphragmatis in fœtu silet.

VIII.

VIII.

*Empeiria, non ratione sociata, & ratio
non Empeiria, medicum male frustra-
tur.*

IX.

*Nulla remedia, etiam commendatissima
omnibus, per se salubria extant.*

X.

*Omni medicina, incassum ægroto facta,
spes vitam sæpe tutatur.*

FINIS.